

## 3amasso

خلال تبادل حديث مع الصديق طوني حدشيتي، قلّي انو بضيعتو حدشيت في المنطقة يلي بيتن فيا والهيا اربع اسامي: الوطى، حقلة شدياق، القلاع، و"عماسو"، وانو شو ممكن تكون هالكلمة الأخيرة.

الجزر "عمس" بطلنا اليوم نستعملو، وبيعني بالكنعاني الحالي: تُحْمَل (بضاعة او تراب او حجار ...)، To load, to carry. الملفت الاسم الثاني وهو القلاع: "قلع" بتعني بالاساس "درع"، Shield، ومن هون كلمة "قلعة"، والقلاع كانوا عطول من حجر. ولهيك كلمة "قلع"، بمعنى "شال"، "رد عن حالو": قلع تيابو، انقلع (قلاع حالك). والمقلع، يلي هو هو مطرح استخراج الحجر. من هون ممكن الربط بين عماسو والقلاع، من منطلق وجود مقلع حجر هونيك: قلّع حجر وتحميله، ومع الوقت يكون صار في اسمين للمنطقة، وبعدان يكون صار في "الوطى"، و"حقلة شدياق" نسبةً لشخص او لعيلة هونيك.

اما كلمة "وطى" فهي من "واطي" اي المنطقة يلي "اوطى" ارتفاعاً. ولكن بحدشيت الوطى هو اعلى من قلب الضيعة، الشي يلي ممكن يعني انو المنطقة (سابقاً) كانت Underdeveloped نسبةً للضيعة. مثل "كفر" و"مراح"...

النتيجة: بغضّ النظر عن تفاصيل معيّنة، عايشين مع ارث عمرو ٦٠٠٠ سنة (اذا مش اكثر، اذا اضفنا ما قبل تبلور اجدادنا كنعانيين)، وليكو كيف مش عارفين شي من تاريخنا ومن لغتنا ولا عارفين نتصرف بالسياسة على انو نحنا مسيحية لبنان شعب ع حدا مش عرب مع كامل محبتنا للجميع.

طبعاً اسلام لبنان هم سابقاً كنعانيين بجزء منهم، وحجازيين بجزء ثاني منهم، وعرب سكنوا الهلال لفترة مثل تنوخيي لبنان، ولهيك بيتشاركوا معنا اللغة المحكية والامور المحلية مع سواهن يلي اجو بالفتوحات، مثل ما غير اسلام اصلن مثلاً فارسي وبالتالي بيحكوا فارسي.

عماسو من الكلمات يلي بطلنا نستعملها، وبالمقابل في الاف الكلمات بعدنا منستعملها وحاكيين عنها.